

"মিষ্টি বাচ্চারা -- নিজের উচ্চ ভাগ্য বানানোর জন্য রুহানী সেবার নেশা রাখো , সবাইকে জ্ঞান ধনের দান করতে থাকো ।"

প্রশ্ন :- রুহানী বাবা এমন কোন্ শ্রীমত দেন যা আজ পর্যন্ত কোনো মানুষ দেয় নি ?

উত্তর :- হে রুহানী বাচ্চারা , তোমরা এই রুহানী সেবায় দধিচি ঋষির মতো নিজের অস্থিও স্বাধা করো । বাবার থেকে তোমরা যে অবিনাশী জ্ঞান রত্ন পেয়েছো তার দান করো । এই হলো সত্যিকারের সেবা । এমন সেবা করার মত কোনো মানুষ দিতে পারে না । যারা রুহানী সেবা করে তারা সবসময় খুশীতে নাচতে থাকে । তখন তোমরা উচ্চ ভাগ্যের অধিকারী হতে পারবে ।

গীত :- বদল যাএ দুনিয়া, না বদলেঙ্গে হম..... বদলে যাক এই দুনিয়া, আমরা (বাবা ও আমি) বদলাব না

ওম্ শান্তি । বাচ্চারা এই গানের দুই লাইন শুনল । তারা তো গান বানিয়ে দিয়েছে । যখন কোনো দুজন মানুষের মধ্যে বিবাহ হয় , তখন একথাটা তো পাকাই হয়ে যায় যে স্ত্রী - পুরুষ কখনোই একজন অন্যজনকে ছাড়বে না । খুব কমই এমন দেখা যায় যে যাদের নিজেদের মধ্যে বনিবনা না হওয়ার কারণে একজন অন্যজনকে ছেড়ে দেয় । এখানে তোমরা বাচ্চারা কার কাছে প্রতিজ্ঞা করেছো? ঈশ্বরের সঙ্গে । যাঁর সাথে তোমরা বাচ্চারা বা সজনীরা আবদ্ধ হয়েছো । কিন্তু যিনি তোমাদের এই বিশ্বের মালিক বানান তাঁকেই তোমরা ছেড়ে দাও । এখানে তোমরা বাচ্চারা এসে বসেছো । তোমরা জানো যে বেহদের বাপদাদা এলেন বলে । সেন্টারে থাকাকালীন তোমাদের যে অবস্থা হয় , বাইরে গিয়ে তা থাকে না । এখানে তোমরা বৃদ্ধিতে পারবে বাপদাদা এই এলেন বলে । যেই তোমরা সেন্টারের বাইরে যাও তখন ভাবো যে বাবার বলা মুরলী এল বলে । এখানে আর বাইরের দুনিয়ার মধ্যে অনেক তফাত থাকে কারণ এখানে তোমরা বাপদাদার সামনে এসে বসো । আর বাইরে তোমরা বাপদাদার সামনে থাকো না । তোমরা চাও যে আমরা সামনে গিয়ে মুরলী শুনি এখানে বাচ্চাদের বুদ্ধিতে থাকে যে, বাবা এই এলেন বলে । যেমন অন্য সৎসঙ্গে মানুষ ভাববে যে অমুক স্বামীজী আসবেন । কিন্তু সকলেরই এই খেয়ালও একমতো থাকে না । কারো আবার সম্বন্ধীদের কথা মনে পড়ে । একজন গুরুর প্রতিও মানুষের বুদ্ধি স্থির থাকে না । বিশেষ কেউ কেউই একজন স্বামীজীর স্মরণে থাকেন । এখানেও ঠিক এমনই । এমন নয় যে এখানে সবাই শিববাবার স্মরণে থাকে । বুদ্ধি তো এখানে ওখানে ছুটতেই থাকে । মিত্র সম্বন্ধীদের কথাও মনে পড়ে যায় । সারা সময় এক শিববাবার সামনে থাকলে তো আহা কি সৌভাগ্য । এমন স্থায়ী স্মরণে অল্প কিছু মানুষই থাকতে পারে । এখানে শিববাবার স্মরণে থাকলে তো তোমাদের অনেক খুশীতে থাকা উচিত । সেই অতীন্দ্রিয় সুখের কথা গোপী বল্লভের গোপ গোপীদের জিজ্ঞাসা করো । এ সবই এই সময়ের গায়ন । এখানে তোমরা বাবার স্মরণে এসেছো । তোমরা জানো যে এখন আমরা ঈশ্বরের হয়েছি, এরপর দেবতাদের কোলে জন্ম নেবো । কোনো কোনো বাচ্চার বুদ্ধিতে এই সেবার খেয়াল চলে যে এই ছবিতে কিছু কারেকশন করি বা কিছু লিখে দিই । কিন্তু সুপুত্র যদি হয় তারা বুঝবে যে এখন তো বাবার থেকেই আমাদের শুনতে হবে , তারা মনে অন্য কোনো সঙ্কল্প আনতেই দেবে না । *সব পয়েন্ট কিন্তু একসাথে বোঝানো হয় না । একটা লক্ষ্য ঠিক রাখা হয় । বিনাশও সামনে উপস্থিত । এ

হলো সেই আগের বিনাশ । সত্য যুগ আর ত্রেতায়ুগে কোনো লড়াই ঝগড়া হয় না । পরে যখন অনেক ধর্ম আসে , লোকজন বাড়তে থাকে তখন লড়াই শুরু হয়ে যায় । প্রথম প্রথম আত্মা সত্যোপস্থান হয় তারপর সত্যো , রজো এবং তমোতে আসতে থাকে । এই সব কথা বুদ্ধিতে থাকা চাই । রাজধানী কেমন করে স্থাপন হচ্ছে । এখানে থাকলে এই কথা বুদ্ধিতে রাখা চাই । শিববাবা এসেই আমাদের জ্ঞান রত্ন দান করেন যা আমাদের বুদ্ধিতে ধারণ করতে হবে । ভালো ভালো বাচ্চারা নোটস্ রাখা, এই নোটস্ রাখা খুবই ভালো , এতে বুদ্ধিতে বিভিন্ন বিষয় আসতে থাকে । আজ এই বিষয়ের উপর বোঝাবো । বাবা বলেন যে আমি তোমাদের কতো সম্পত্তি দিয়েছিলাম । সত্যযুগ আর ত্রেতাতে তোমাদের কাছে অথৈ ধনসম্পদ ছিলো , তারপর বাম মার্গে চলে যাবার কারণে সেইসব কম হয়ে গেছে । খুশীও আসতে আসতে কম হয়ে গেছে । তোমরা কিছু কিছু বিকর্ম করাও শুরু করে দাও । নামতে নামতে তোমাদের কলাও কম হয়ে যায় । সত্যোপস্থান তারপর সত্যো , রজো এবং তমো এই ধরনের অবস্থা তোমরা পার হও । সত্যো থেকে রজোতে যখন আসে তখন হঠাত্ করে আসে না । তমোপস্থান অবস্থাতেও তোমরা আসতে আসতে নামতে থাকো । তাতেও আবার সত্যো , রজো এবং তমো এই অবস্থা আসে । হঠাত্ করেই তমোপস্থান কেউ হয়ে যায় না । ধীরে ধীরে সিঁড়ি নামতে থাকে । ধীরে ধীরে কলা কম হতে থাকে । এখন তোমাদের লাফ দেবার সময় হয়েছে । তমোপস্থান থেকে সত্যোপস্থান হতে হবে । এর জন্য খুব অল্প সময় বাকি আছে । এমন গায়নও আছে যে ওপরে উঠতে পারলে বৈকুণ্ঠ রস পান করা যাবে । কামের চড় খেলে একদম চুরচুর হয়ে যেতে হয় । হাড়গোড় ভেঙ্গে যায় , যেন কোনো মানুষ নিজেকে হত্যা করেছে । একে আত্মঘাত নয় , জীবঘাত বলা হয় । এও হলো আত্মঘাত মৃত্যু । আর তোমরা ভাগ্যের জন্য যা কামিয়েছো সব শেষ হয়ে যায় । এখানে তো বাবার থেকেই তোমাদের বর্ষা বা সম্পত্তি পেতে হবে , তাই বাবাকেই তোমাদের স্মরণ করতে হবে কারণ বাবার থেকেই তোমরা বাদশাহী পাবে । নিজেকেই তোমরা জিজ্ঞেস করো , আমরা বাবাকে স্মরণ করে ভবিষ্যতের জন্য কতটা কামাই করেছি । কতোজন অন্ধের লাঠি হতে পেরেছি । ঘরে ঘরে এই খবর দিতে হবে যে এই পুরোনো দুনিয়া বদল হচ্ছে । বাবা নতুন দুনিয়ার জন্য এখন রাজযোগ শেখাচ্ছেন । সিঁড়িতে দেখানো হয়েছে যে, এটা বানাতেও অনেক পরিশ্রম লাগে । সারাদিন এই খেয়াল চলে যে কিভাবে সহজ বানানো যায় যাতে সবাই বুঝতে পারে । সমস্ত দুনিয়ার মানুষ তো আর আসবে না । দেবী দেবতা ধর্মের লোকেরাই আসবে । তোমাদের এই সেবাকাজ তো অনেকই চলবে । তোমরা জানো যে তোমাদের ক্লাস কতোদিন পর্যন্ত চলবে । মানুষ তো কল্পের আয়ু লক্ষ বছর বলে ভাবে । শাস্ত্র আদিতেও এই কথা শোনানো হয় । মানুষ ভাবে যে যখন অন্তিম সময় আসবে তখন সবার সঙ্গতিদাতা আসবে এবং যারা তার শিষ্য তাদেরই গতি হবে । তারপর আমরা গিয়ে জ্যোতিতে মিলিয়ে যাবো । কিন্তু এমন তো হয় না । তোমরা জানো যে তোমরা অমর বাবার দ্বারা সত্যিকারের অমর কথা শুনছো । তাই অমর বাবা যে কথা বলবেন সেই কথা তোমাদের মনে চলা উচিত । বাবা কেবল বলেন আমাকে স্মরণ করো আর পবিত্র হও । না হলে অনেক সাজা খেতে হবে আর পদ ও কম হয়ে যাবে । এই সেবাকাজে অনেক পরিশ্রম করতে হবে । যেমন দধিচি ঋষির উদাহরণ আছে যে তিনি তাঁর সমস্ত অস্থি সেবায় দিয়ে দিয়েছিলেন । নিজের শরীরের খেয়াল না করে এই সেবা কাজ করতে হবে , একে বলা হয় হাড়ে হাড়ে সেবা করা , আর দ্বিতীয়ত হলো অস্থি সমর্পণ করে রুহানী সেবা । রুহানী সেবা যারা করে তারা রুহানী জ্ঞানের কথাই শোনাতে থাকে । তারা জ্ঞান ধন দান করতে করতে খুশীতে নাচতে থাকে । এই দুনিয়াতে মানুষ যে সেবা করে তা হলো দেহের সেবা । বসে বসে শাস্ত্র পাঠ করা কোনো রুহানী সেবা নয় । রুহানী সেবা একমাত্র বাবাই শেখান । আধ্যাত্মিক বাবা এসে তাঁর আধ্যাত্মিক সন্তানদের অর্থাৎ আত্মাদের পড়ান । তোমরা

এখন সত্যযুগে নতুন দুনিয়াতে যাবার জন্য নিজেকে তৈরী করছে। সেখানে তোমাদের কোনো বিকর্ম হবে না। ও হলো রামরাজ্য। সেখানে অল্প মানুষই থাকে। সেই অল্প মানুষই এসে এখানে পড়াশোনা করবে। এখন তো এই রাবণ রাজ্যে সবাই দুঃখী। এই সমস্ত জ্ঞান পুরুষার্থের নস্বর হিসাবে তোমাদের বুদ্ধিতে আছে। এই সিঁড়ির ছবিতে সমস্ত জ্ঞানের কথা এসে যায়। এই ছবি বানানোর জন্যও যন্ত্র চাই। গভর্ণমেন্টের রোজ কত কাগজ ছাপা হয়। কতো কাজ কারবার চলে। এখানে তো সব হাত দিয়ে বানাতে হয়।

বাবা বলেন যে এই শেষ জন্ম যদি তোমরা পবিত্র হও তাহলে পবিত্র দুনিয়ার মালিক হতে পারবে। এই জ্ঞান কারোর কাছেই নেই। তারা বলবে, এই সিঁড়িতে অন্য ধর্মের খবর কি আছে? সেও এই গোলাতে লাগানো আছে। তারা তো নতুন দুনিয়াতে আসেই না। তারা শান্তি পায়। ভারতবাসীরাই তো স্বর্গে ছিলো। এই ভারতেই শিববাবা রাজযোগ শেখাতে আসেন তাই ভারতের এই প্রাচীন রাজযোগ সবাই পছন্দ করে। এই ছবি দেখে তারা নিজেরাই বুঝবে যে বরাবর নতুন দুনিয়াতে কেবল ভারতই ছিলো। নিজের ধর্মকেও তারা বুঝতে পারবে। যেমন ক্রাইস্ট এসেছিলেন ধর্ম স্থাপন করতে। এই সময় তিনিও ভিত্তারীর রূপে আছেন, এখন সমস্ত মানুষই তমোপ্রধান হয়ে গেছে। এ রচনা আর রচয়িতার কত বড় জ্ঞানের কথা। তোমরা বলতেই পারো আমাদের কারোর পয়সার দরকার নেই। পয়সা দিয়ে আমরা কি করবো। তোমরা নিজের শোনা আর অন্যদের শোনানোর জন্য এই সব ছবি ছাপাও। এই ছবি দিয়েই তোমাদের উপকার নিতে হবে। তোমরা হল বানাও, যেখান থেকে এই জ্ঞানের কথা শোনানো যায়। বাকি তোমরা পয়সা নিয়ে কি করবে। তোমাদেরই ঘরের কল্যাণ করতে হবে। তোমরা ব্যবস্থা করো, অনেক লোক এসে এই কথা শুনবে। রচনা আর রচয়িতার এই জ্ঞানের কথা খুবই সুন্দর। এ তো মানুষকেই বোঝাতে হবে, বিদেশীরা এই জ্ঞানের কথা শুনতে খুব পছন্দ করবে। তারা খুব খুশী হবে। তারা ভাববে যে আমরাও যদি বাবার সাথে যোগ লাগাই তাহলে বিকর্ম বিনাশ হয়ে যাবে। সবাইকে বাবার পরিচয় দিতে হবে। সবাই বুঝতে পারবে এই জ্ঞান গড ফাদার ছাড়া আর অন্য কেউই দিতে পারে না। মানুষ বলে যে ভগবান স্বর্গ স্থাপন করেছিলেন। কিন্তু তিনি কিভাবে আসেন, সেই কথা কেউ জানে না। তোমাদের এই কথা শুনে অনেকেই খুশী হবে। তারপর পুরুষার্থ করে তারা যোগ শিখবে। তমোপ্রধান থেকে সতোপ্রধান হওয়ার জন্যও তারা পুরুষার্থ করবে। এই সেবা কাজের জন্য তোমাদের অনেক খেয়াল রাখতে হবে। ভারতে দক্ষতা দেখাতে পারলেই তখন তোমাদের বাইরে পাঠানো হবে। এই মানুষরা জানে যে নতুন দুনিয়া তৈরী হতে দেবী লাগে না। কোথাও যদি ভূমিকম্প হয় তাহলে ২ - ৩ বছরের মধ্যে নতুন বাড়ি তৈরী করা হয়। যত বেশি কারিগর হবে তত তাড়াতাড়ি বাড়ি তৈরী করা যাবে। এক মাসেও বাড়ি বানানো যায়। কারিগর, জিনিসপত্র যদি তৈরী থাকে তাহলে বাড়ি তৈরী করতে সময় লাগে না। বিলেতে বাড়ি কেমনভাবে তৈরী হয়, যেন এক মিনিটে একটা মোটর তৈরীর মতো। তাহলে স্বর্গ কত তাড়াতাড়ি তৈরী হবে। সেখানে তোমরা সোনা, রূপো অনেকই পেয়ে যাবে। এইসব সোনা, রূপা, হীরে খনি থেকে নিয়ে আসা হবে। এইসব দক্ষতাও তারা এখন শিখছে। সাইন্স নিয়ে আজ কতখানি অহংকার। এই সাইন্স আবার ওই দুনিয়ায় কাজে আসবে। এখানে যারা শিখছে তারা ওখানে জন্ম নিয়ে এই কাজে আসবে। ওই সময় তো সম্পূর্ণ দুনিয়াই নতুন দুনিয়া হয়ে যাবে, রাবণ রাজ্যও শেষ হয়ে যাবে। ৫ তন্ত্রও তাদের মতো করে সেবায় লেগে যায়। স্বর্গও তৈরী হয়ে যায়। সেখানে কোনো উপদ্রবই থাকে না। সেখানে তো রাবণ রাজ্য নয়, সেখানে সবই সতোপ্রধান। সবথেকে ভালো কথা হলো, বাবার সাথে সবসময় ভালোবাসা রাখতে হবে। বাবা তোমাদের সতর্ক

করার জন্য যেসব সূত্র দেন তা নিজে ধারণ করতে হবে এবং অন্যকেও এর দান দিতে হবে। যত তোমরা দান দেবে তত একত্রিত করতে পারবে। সার্ভিস না করলে ধারণ কেমন করে করবে। বুদ্ধি দিয়ে এই সার্ভিস করা দরকার। এই সার্ভিস তো অনেক ধরনেরই হয়। কেউই এই কাজ করতে পারে। দিন প্রতিদিন এর উন্নতি করতে হবে। সঙ্গে সঙ্গে নিজেরও উন্নতি করতে হবে। আচ্ছা।

মিষ্টি - মিষ্টি হারানিধি (সিকিলধে) বাচ্চাদের প্রতি মাতা - পিতা, বাপদাদার স্মরণ, ভালোবাসা আর সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) নিজেদের মধ্যে একে অপরের প্রতি সম্মান রাখতে হবে। সার্ভিসের শখ রাখতে হবে। জ্ঞান রত্ন দিয়ে নিজের ঝুলি ভর্তি করে অন্যকেও তার দান করতে হবে।

২) এক বাবার থেকেই শ্রীমত শোনার সঙ্কল্প রাখতে হবে। অন্য কোনো চিন্তায় বুদ্ধির চঞ্চলতা যেন না আসে।

বরদান :- নিজের শান্ত স্বরূপ স্থিতির দ্বারা শান্তির কিরণ ছড়িয়ে দিয়ে মাষ্টার শান্তিসাগর হও।

বর্তমান সময়ে বিশ্বের বেশীরভাগ আত্মার সবথেকে বেশী প্রয়োজন - সত্যিকারের শান্তি। দিন প্রতিদিন অশান্তির অনেক কারণ বেড়ে চলেছে আর বাড়তেই থাকবে। যদি নিজে অশান্ত নাও হও, অন্যের অশান্তির বায়ুমন্ডল, বাতাবরণ শান্ত অবস্থায় থাকতেই দেবে না। অশান্তির টেনশন বাড়তেই থাকবে। এই সময় তোমরা মাষ্টার শান্তির সাগর বাচ্চারা অশান্তির সংকল্পকে পরিবর্তিত করে বিশেষ শান্তির ভাইব্রেশন ছড়াও।

স্লোগান :- বাবার সর্বগুণের অনুভব করার জন্য সর্বদা জ্ঞান সূর্যের সামনে থাকো।